



UNIVERSITÄTS-
BIBLIOTHEK
PADERBORN

**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

§. 1. De dissolubilitate.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

is est, quod sic ei auctor, ut mocheretur. Aliter respondere potest, praedicta verba intelligi de dimissione quoad thorum, cuius fuerit ante facta mentio, non autem de dimissione quoad vinculum. Nam cum Christo moveretur quæstio à Pharisæis de perfecta dimissione, qualis siebat per libellum repudii, & hæc dimissio contineret quoque separationem à thoro & cohabitatione conjugis, & præterea potestatem ducendi aliam uxorem; Christus in sua responsione ita distinxit, ut alterius, scilicet separationem à thoro & cohabitatione, diceret esse licitum, sed ex causa fornicationis dumtaxat, non aliter; alterum vero dicere esse illicitum, & verum adulterium. Cuius responsionis prior pars continetur illis verbis, *Quicumque dimisit uxorem suam, nisi ob fornicationem, scilicet peccat, quod subaudientur, vel, quod utique non licet: posterior vero illis verbis, & qui dimisit duxerit, adulterat vel macetur: ita ut particula, nisi, accipiat qui- dem exceptivæ, sed ad priorem partem respon- sionis dumtaxat pertineat, non autem ad alia se- quentia.*

§. I.

De dissolutione matrimonii, rati non consummati.

1. *Dissolvitur hujusmodi matrimonium per Reli- gionis ingressum.*

2. *Per dispensationem summi Pontificis.*

Ceterum matrimonium ratum, non consummatum, inter fideles dissolvi posse per solemnam Religionis approbatæ in iesum seu professionem, ab altero conjugum factam, etiam altero reprobante, patet ex cap. *Commixtum 16. sup. De sponsalib. & aliis similibus,* Conc. Trid. Sess. 24. can. 6. manensque in sæculo post emissam professionem alterius (quam exspectare tenetur) si continere nolit, iterum contrahere potest, cap. *Ex publico 7. sup. De con- ver. conjugat.* Ratio, cur dissolvi rurac matrimonium possit, licet sit Sacramentum, est, quia representat unionem Christi cum Ecclesia tan- tum per gratiam, non etiam per charitatem & natura conformitatem: ideoque cum illa sit dissolubilis per peccatum mortale, etiam ma- trimonium, unionem illam repræsentans, dis- soluble est & imperfectum Sacramentum

Cum enim Sacramentum matrimonii primo significet conjunctionem Christi cum anima, per gratiam: secundò conjunctionem Christi cum Ecclesia, per charitatem, tertid conjunctionem Christi cum Ecclesia, per naturæ confor- mationem: & ex his significationibus primam dumtaxat habet matrimonium, ratum, non con- summatum, quippe per quod conjugati non- dum sicut peccat è duo in carne una: non est per- fectum Sacramentum, quoad omnem significa- tionem, sed imperfectum, & dissolubile.

Non obstat illud *Quos Deus coniunxit, homo non separat:* quia intelligitur de matrimonio consummato, non autem de rato tantum.

2. Secundò, dissolvi potest per dispensatio- nem summi Pontificis, prout constat sacerdote ex gravibus causis dispensasse, vide Navar. in Ma- nual. c. 22. n. 21.

Cur autem non æquè dissolvatur per Ordini- nis facti, vel etiam Episcopalis susceptionem, arque per professionem Religionis approbatæ, ratio est hæc, quia Ordo ficer & status Episco- palis non pugnat ex natura sua cum statu con- jugali & usu matrimonii (prout pater in Sacer- dotibus & Episcopis Græcis) sicut Religio, quæ est mors quædam spiritualis, consistens in tota- li rerum omnium temporalium abdicatione.

§. II.

De dissolutione matrimonii quoad tho- rum.

1. *Casus, quibus hoc modo dissolvitur marri- monium.*

2. *Casus, quibus non dissolvitur.*

Certissimi porro Juris est, matrimonium iater fideles dissolvi quoad thorum & cohabitationem, manente inter eos vinculo matrimoni, ut patet ex toto hoc Tit. Decretal. & defini- tur per Concil. Trident. Sess. 24 can. 8. Et qui- dem primò fieri id potest mutuo consensu, ad perfectiorem statum acquirendum: veluti si uterque voeat perpetuam castitatem, aut ad Religionem transeat, c. 1. & 2. sup. *De conver- fugat.*

Secundò, si hæc separatio, si alter conju- gum spiritualiter fornicatus fuerit, nempe si

III. 2. laba-